

II. Georg. Joseph. Camel. *De Plantis Philippensibus Scandentibus*; Pars 2da. Ad Jacobum Petiver, S. R. S. nuper transmissa.

Seçt. V. *De Scandentibus Folliculoso-Siliquosis.*

61. **A** Pocynum LUZONIS 1, seu Antipolanum. *Indis* Balana. Fructum fert formæ & magnitudinis habitioris *Manga*, spithameum, viridem, copiosissimè lactescentem, lacte candidissimo, spisso, nec viscoso. Semen compressum, magnitudine unguis digiti indicis, creberrimum, in oblongum glomum imbricatum congestum, flavescens, & uncia longioribus, argenteis, & sericeis caudatum floccellis. Ex altissima dejectum arbore habui Fructum. *Florem* & *Folia* observare non licuit.

62. Apocynum LUZON. alterum. *Indis Tugtungajas*, i. e. *Viperinum*, eò quod eo Serpentes virides specialiter gaudeant; *Folia* gerit sibi opposita, ferme palmaria, similia folijs *Hingio*; *Fructum* orbicularem *Aurantio* parem latere uno fere digitum latà cristà alatum, ex viridi & albo variegatum, edulem cum tener, uniformem ubi cristatus, qui glomum continet *Seminis*, similis semini *Balana* super spongiosam matricem conglobati, in auras avolantis.

63. Apocynum LUZON. 3. Maycatense, *Viticulis* scandit creberrimis, vietis, geniculatis, lactescentibus. *Folia* promit *Hingio* similia, *Tugtungajas* majora, ex viridi pallentia, *Florem* frequentem, pentapetalum, radiatim in binum corymbum, seu umbellam congestum, graveolentem, flaventem. *Fructum* quadrangularem, tetraforem, viridem, spithameum, in mucronem desinentem, continen-

nentem *Semen* squammatim congestum, latiusculum, simile Semini *Balana*, sed protensioribus, argenteis, & papposis filamentis, *Cometa* adinstar caudatum.

Fig.

64. Apocynum LUZON. 4. Maragondonense. *Indis* Dugtungajhas i. e. *Colubrinum*, Hispan. *Palo consueña de la culebra*, alijs *Palo de la cabeza*. Minimè autem *Ligni Colubri* nomen adeptum est, quod Viperarum succurrat moribus ut *Manungal*, sed quod Serpentes vulneratos hujus Plantæ folijs sibi mederi observatum fuerit, unde *Indi* edocti, & folijs & lignosorum sarmentorum, quæ fere brachialia, scobe, ad conglutinanda vulnera recentia prosperime utuntur. Hujus convolvuli lignosi, sarmenti materie albet, porosa est & spongiosa, levis & insipida. *Cortex* crassus, striatus, fissuris plurimis diductus, saporis subadstringentis, *Liber* interior tenax & corticosus. *Folia* sibi opposita; villosa, *Laurinis* latiora; *Radix* subdulcis: *Follicosi* fructus ex subrotundo ventre in teretem & ferme spithameum abeunt mucronem, *Semine* referti mediocri, ut reliquæ *Apocynorum* species.

Fig.

65. Apocynum LUZON. 5. *Taytayense*. *Indis* *Hingiguag*, i. e. *Hingi Corvinum*. Pro *Flore* dat candidas stellas, odoris *Jasmini*, in ramusculorum summitatibus exeuntes, quibus succedunt *Siliquæ* compressæ, scabie variegatæ, digito auriculari tenuiores, sed sæpius pedes duos longiores, pullæ, & semine pappo coronato repletæ: *Folia* pulchella, latè virentia, sena communiter uno in ramusculo. Ipsa planta Fruticosa est, longis flexibilibus, & lacte glutinoso scatentibus virgultis scandens, & alijs supersterni gaudens.

66. Apocynum LUZON. 6. seu *Hingiguag* Antipolanum. *Folia* communiter 4, opacè virentia, palmum longa, sesquiunciam lata, uno gerit in ramusculo, ex quorum apicibus ex frequentibus ramulis, creberrimi *Flores* in *Siliquis* 12 aut 15 spithameis, senis aut pluribus orbicularibus ventribus gratiosè extuberantes, abeuntes: *Semen* parvum, appenso pappo ut quinti. Tota *Planta* uberrimè viscofo gaudet lacte.

67. Apo-

67. Apocynum LUZON. 7. seu *Piscatorium* fluvij *Manilensis* 1. *Gratiosa & scandens est Planta, Folia* Fig.
 bina ac bina, uno longiori inhaerentia pediculo, rarè palmum
 longa, communiter uncialia & sesquiuncialia, nigro virentia,
 terfa, quæ masticata primùm adversi sunt saporis, mox
 fauces potenter acredine vellicant. Contusa cum alijs
 piscationi deserviunt medicæ. Ex medio connexionis
 foliorum, flagellum in summo trifidum, in foliola minima
 abiens procedit. Ad apices verò, uti & ad foliorum alas
 plures proveniunt *Flosculi*, qui ex 12 viridibus, crassis,
 teretibus seu cylindricis componuntur *foliolis*, quorum um-
 bilicum, flavescens globulus, ex minimis compilatus sta-
 minibus, occupat; flosculi *Rosarum* mixtum *Cinamomi* sua-
 vissime respirant odorem. *Siliquæ* pusillæ ex tereti mu-
 cronatæ, unifores 12 aut pauciores in unum quasi congesti
 corymbum, *Semen* habentes parvum, oblongum. Provenit
 ubertim ad fluvij *Manilensis* ripas a Horto D. *Quintero*
villa S. Petri usque. *Indi* *Itmoitmohan* vocant. Folijs
 contusis utiliter perfricant *Lepam Cascado*; succus illitus.
 tumefacit.

Fig. 68. Apocynum LUZON. 8. seu *Malatense*. *Folia* Fig.
 habet sibi opposita, sesquiunciam longiora, ex rotundo ob-
 longa, atrè virentia, in vietis & teretibus viticulis: *Florum*
muscosorum, ramosi & spithamei racemi una cum caulicu-
 lis ex atro purpurei sunt. *Seminis Siliquæ* sesquiunciales,
 vix calamus scriptorium crassæ, virides, ex tereti mucro-
 natæ. *Semen* parvum, latiusculum, niveâ comatum cæ-
 sarie.

69. Apocynum LUZON. 9. *Viticulis* attollitur scandendo Fig.
 teretibus copiosè lactescentibus & helvâ lanugine pubescentibus. *Folium* est hederaceum, amplius palmo unò,
 longum sesquipalmum, sibi oppositum, per palmaria inter-
 valla exiens, subasperum: *Flos* parvus, pentapetalus, phæ-
 niceus, racematim coherens. *Fructus* bini, ac bini, fere
 sesquipal mares, calamus Anserinum crassi, unifores, & sub-
 hirsuti

hirsuti lobuli. *Semen* longiusculum, comatum floccellis ut reliquorum.

Fig. 70. Apocynum LUZON. 10. *Indis* Dugtungasas ut 2 & 4. *Folia* promit per sesquipalmaria intervalla bijuga, unâ cum pediculo spithamea, palmo latiora, glabra, & crassiuscula. *Flos* congeritur ad foliorum genicula ter trinus, aut crebrior, parvus, viridis, stellatus, cui seminis succrescunt *Siliquæ* palmares, aut longiores, quasi ex binis calamo scriptorio crassis in unam coalescentes, seu in ipsa conjunctura carinulatæ & fissiles. *Semen* viride, longiusculum, compressum, argenteo caudatum pappo.

Fig. 71. Apocynum LUZON. 11. seu Silanense. *Cauliculis* scandit rotundis; *Folijs* luxuriat pulchris, sibi ex adverso provenientiibus, succosis crassioribus, nervis ceu altius prostantibus porcis concinnè exaratis, mucronatis, bipalmum longis, palmum latis. *Flos* ad foliorum exiens sinus, in longiori pediculo, duodenus, in corymbum dispositus, & majusculus, estque monopetalus ceu campana, flavescens infernè ad plicas purpurascens, cujus labia quinque fere hiantibus, in unum interius coactis, aut coalescentibus superne marginibus. *Fructum* non observavi, *Lanigerum* suppono.

Fig. 72. Apocynum LUZON. 12. Macatense. *Folia* communiter 4 in uno ramusculo, ex quorum apice *Flores* 5 aut 7. albi, stellati, mediocres, ad medium ut *Flores Borraginis* nigri staminibus umbilicati.

Fig. 73. Apocynum LUZON. 13. *Indis* Tibalau seu *Piscatorium* secundum. Scandens est Planta & lactescens, ut reliquæ. *Folia* mittit communiter 9 uno in ramusculo, & hæc fere spithamea, uncias 2 lata, in mucrone desinentia & nervis a medio in marginem rectè excurrentibus, & è regione oppositis exarata. Lenta, tractu contumacia, & lactescencia farmenta, piscationi deserviunt medicæ, cum folijs *septimi*, *Camaese*, & *Lactang fructu*, *Banulad*, *Burao*, *Tigao*, *Table* & *Culifao*, &c. *Tibalau* vel *Tabal* lac venenatorum animalium moribus medetur.

74. Apocynum LUZON. 14. Indis *Hingi, Hingib* & Fig. *Hingio*. Est unum ex magis usualibus *Ligustris*, cujus lenta, vieta & fractu resistentia sarmenta ad quævis occurrentia liganda deserviunt. Volubilis est Planta, scandens, lactescens, magna, folio sibi opposito, sesquipalmari, palmaris latitudinis, simili *Asclepiadis* folio. Pro Fructu siliquæ lanigeræ.

75. Apocynum LUZON. 15. Seu Ligustrum *Indorum* è celebrioribus 2, est *Bagungbung*, Calvigenisibus *Bacungbacung*, alijs *Hacnaiag*: Hujus Sarmenta precipuè expetuntur & adhibentur ad anfractuosas, & labyrinthæas sepes, ex *Cannis* paratas, deligandas, quoniam submarina quasi perennant, quas per maris littoralia longius excurrentes disponent ad *Pisces* fallendos. Lac internè exhibitum prægnantibus Abortum causat. *Ligustris* adnumera & *Camagsa*, *Togtalag*, & *Sagacag*.

76. *Tubre, Tugle*, vel *Tugli* aut *Tuble*, alijs *Cassli* Boholais scilicet, Tanaguanensibus *Topoc*. Ni fallor species est *Apocyni*, pro Fructu etenim mittit *Siliquas*, semine sericeâ lanugine impletas. *Volubilis* est lactescens, piscationi deserviens medicæ, suâ acrimoniâ molestat ut *Radix* *Camæsa*, *Euphorbij* scilicet modo: Lac Oculis inspersum excæcat. *Bysaiarum* Indi Sarmenta, quæ fere sunt brachialia, suo adjiciunt oleo *Polycresto*, *Haplas*.

77. *Tubre* vel *Tugle* altera. *Folia* fert composita, com-Fig. muniter ex alijs 7, alternè provenientia: Particularia verò conjugatim, claudente septimo seriem, sunt autem sesquiunciam lata, palmum, sesquipalmum, & amplius longa.

78. *Tugituguian* deobstruens est, & insignis vulneraria.

79. Apocynum LUZON. 17. Seu *Arboribus* tantum in-Fig. nascens 1. Indis *Capalcapal*. *Visci* modo *Cannis*, & Arboribus vetustioribus, aut putridis innasci solet. *Folia* communiter habet palmaria, digitum lata, obtusa, crassa ut *Sempervivum*, & his crassiora, lævia, & copiosè lactescentia, ex opposito exeuntia, in teretibus viticulis, imo nonnunquam in plantâ luxuriante vitiosè folia palmum unum, aut sesquipalmum lata, & spithamâ magis, aut minus longa. *Flosculus* binus ac binus exit ad foliorum angulos, pusillus,

& candidus. *Semen* parvum plumosâ caesarie ornatum, in trigonis & folliculosis filiquis.

80. *Apocynum* LUZON. 18. seu *Arboribus* innascens alterum. s. *Antipolanum*. *Folia* exerit unâ cum pediculo spithamea, uncias trinas lata, crassiuscula, 4 fere uno in ramulo, lactescentia. Planta tota lactescit, nec scandit ut reliquæ *Apocyni* species, sed quasi arboribus inserta, in aliquot abit ramos, quorum apices in florigeram desinunt umbellam ex 11 pluribus aut paucioribus flosculis constantem, qui formæ florum *Borraginis* sunt, candidæ scilicet & pentapetalæ stellulæ, pallido limitatæ auro, uti & hamatâ umbicatæ coronâ. *Fructum* non vidi.

Fig. 81. *Apocynum* LUZON. 19. seu *Arboribus* innascens 3. Variè serpendo per arborum caudices, *radices* ijsdem insertas agit sat crassas, & lignosas. *Folia* formæ foliorum *Phyllidis*, crassa, exsucca, teresa, nervis carentia, excepto medium secante. *Flos* ex tubûlo pentapetalus, coloris cinnabarinî, in gratiosam congestus umbellam, trinus semper ex uno pendet calyculo, & crocatis staminibus repletur.

Fig. 83. *Apocynum* LUZON. 20. *Ligustri* loco deservit *Indis*. *Folium* subrotundum, hederaceum, succosum, suave, conjugatum, splendens. *Flos* frequens in umbellâ, virens, pentapetalus, rotundifolius, inodorus. *Sarmenta* tenacissima & lenta.

Sect. VI. Scandentes *Baccifera* folio *bijugo*.

Fig. 83. *Periploca* 1. legitima & usualis. *Candotay* vel *Candotan Indis*. Yerba del pedo & Yerba de la mierda *Hispanis*. Rependo & scandendo quæque vicina amplectitur, quibus sese involvendo arctissimè innectitur. *Folia* habet *Asclepiadis*, e regione opposita, palmaria, non lactescunt. *Flores*, in 4 e foliorum geniculis prodeuntibus, semper trinè ramosis & longioribus pediculis; creberrimi, gratiosissimi, ex niveo purpurascens, campanulati, c. oris cre-natis, racematim congeruntur, quibus *Fructus* orbiculares, primum virides, maturi rubentes, coronati, *Piso* compares succe-

succedunt, *semine* referti. *Folia* stercus foetidissimum olent, hinc *Stercerariam* vocant. *Decoctum* laudatur in *Urinae* retentione, Vertigine, Febribus, & ad casum ex alto, ad dissolvendos scilicet sanguinis concreti grumos, potum: Alij in enemate ad flatus discutiendos commendant. Alij in *Urinae* retentione exinde balnea parant vaporosa, magma pubi imponendo. *Wilhelmus ten Rhyn* *Folia* *Stercoriaria* & *Foelo do Pedo* vocat, & ad Lepram commendat.

84. *Periploca* seu *Candotay* altera. *Folij* gaudet subrotundis, bijugis, palmaribus: *Flores* albi, stellati, in ramosa, seu semper in binos subdivisa ramulos, quasi umbella. *Fructus* est bacca, mucronata, *Piso* suppar, 5 folio caliculo.

85. *Periploca* s. *Candotay* 3. *Lianensis*. *Volvulus* est lactescens, folij sociati, angusti, sesquipalmaris, unciam lati, crassiusculi, & subhirsuti. *Viticula* compressa sunt, striata, vieta, subhirsuta. *Ufus* foliorum ad flatus pellendos.

86. *Periploca* s. *Candotay* 4. Similis est 3, sed *folio* hederaceo, palmum lato, & sesquipalmum longo, ex adverso appenso. *Radice* exigua, glumosa, s. grumosa, inæquali, & verrucosa, ut *Radix Scrophulariae*.

87. *Coliyat*. *Volvulus* est maximus, *Prunifer*; *Folia* ferens, sibi opposita, spithamea, ferme sesquipalmum lata. *Fructus* promit copiosissimum, in maximis racemis, binum ac binum ab uno pediculo hærentem, magnitudinis ovi *Columbini*, aut majorem, ex flavo rubentem, carnosum, continentem *nucleum* formæ & magnitudinis glandis *Quercinae*, edulem, saporis *Castaneæ*, si igne coctus fuerit. Abundat in montibus *Antipolo* & *Pagmam*.

88. *Smilax* LUZON. asper major, *Indis* Malaitmo. *Convolvulus* est magnus, *folio* rigido, nervoso, & *Malabathri* folio majori, trinervio, & sociato. *Fructus* sunt acini, *Ceraso* majores, lutæi, carnosii, amari, & in horum congesti, continentes binos, compressos, corneos, amaricantes, & asperâ ac albâ cuticulâ interfectos arillos.

89. *Smilax LUZON*. asper alter. *Manambuc*, *Panam. boc*, & *Tspassin* Indis. *Volulus* est cujus *Sarmenta* trium sunt unciarum in diametro communiter, verò ferme verrucosa sunt, & crassa, ut *Macabuhay*, & similiter senectas deponunt, & exeunt Serpentum modo, ut illius. *Folium* nonnisi probè masticatum, leviter morficat, hederaceum est, *Betele* folio fere simile, sed tenerum, & molle, alternè exiens, trinervium; *Fructus* sunt oblongi, *Avellanâ* minores, virides, mox lutei, tandem corallini acini, in racemum coherentes, & bini, aut trini ex uno pediculo: Mucagine, & unico, duriusculo, aspero, cujus medulla amara est, *ossiculo* referti. Flos albus est, parvus, tripetalus in triungui calyce. *Radix* deforis flavescit, cortice est crasso, & carnosio, ut *Zarzaparilla*, & ut hæc longissimè prorepat, crassa digitum, recenter eruta, & degustata ex levi amaritudine dulcescit, mox acredine molestat.

Seçt. VII. Scandentes *Baccifera* trifoliæ.

90. *Clematis trifolia* vulgaris. *Calitcalit*, *Gavilan* & *Panopol* Indis. *Folio* crenato, obscure virenti, & parte alterâ subhirsuto, & communiter trino alternè e viticulis prodeunte, vicinis superinfernitur, & irretitur. *Flores* quadrifolij sunt, & herbacei. Quibus *Baccæ* primâ virides, mox nigræ, succo morello plenæ, trinæ, ac trinæ coherendo in corymbum succedunt. *Vulneraria*, & consolidans est, cujus folijs contusis, & sub cinere coctis, succoque expresso, vulgus, & ad emollienda *Ulcera*, & ad mundificanda & consolidanda rupta, & fracta, extirpandas *Lichenes*, & detergendam *Scabiem* utitur.

Fig.

91. *Clematis incana*. *Calitcalit maybula* Indis. Similis est vulgari, sed ad tactum tota suavis, ob molliusculum pilum, quo tota planta incanescit.

92. *Clematis monstrosa*, seu *Calitcalit* maxima. *Folia* gerit heptaphylla, glabra, & lærè virentia, majora quam sine *Clematidis acetosæ*: *Flagella sesquipedalia*; *Sarmenta Viti Vinifera* similia, brachium crassa; *Acinos* in corymbo, ut *Clematis vulgaris*.

93. *Oxy Clematis*

93. *Oxyclenatis* trifolia. *Calitcalit masuca*, *Aiyo* Indis. Fig. Similis est priori, sed *folijs* majoribus, quæ & pentaphylla evadunt, profundius incisís, copiosiori, & acetoso succo turgentibus, ad quorum nexus longiores protuberant *capreoli*, quibus fulcitur sese innectendo. *Flores* quasi in umbellâ, flavescentes, tetra-aut pentapetali, quorum umbilicum calyculus ventricosus occupat. *Flores* in acinos abeunt, ut prioris, sed majores. Planta vulneraria est & febrifuga.

94. *Clematis* LUZON. 3. seu Major, sive *Vitis* sylvestris. Fig. Indis Bica & Malauva. Planta est scandens, trifolia, in quibusdam *Viti Sylvestri vinifera* similis, pilosa. *Folia* subrotunde crenata, sesqui palmum & longa & lata. *Botros* fert Magnos, *acinos* habiliores, asperos, subdulces, nigros aut etiam incarnatos ut *Silanij* vidi, foetentes.

Seçt. VIII. Scandentes *Baccifera*, folio alterno.

95. *Vitis* Sylvestris LUZON. altera. *Bulacan* s. *Buracan limbabon*, i. e. folij rubri *Guiganensibus*. an *Altragena* Theophrasti? *Volubilis*, scandens, & lactescens est planta, inter saxa ad fluviorum Margines provenire gaudens. *Sarmentis* est viticæis, rubris, quandoque dodrantem crassis, *Foliis* *Vitis* vix non similibus, infernè subhirsutis. Utuntur ex reciso longiori sarmento, aquoso, & insipido lacte, ad 34 pro doxi propinando, quod suavissimè & sine ullâ molestia alvum subducit. Alij nihilominus alvum potenter deturbare ferunt, unde in colicâ, & animalium venenatorum moribus commendant, imo & in paucâ quantitate exhibitum abortum causare, & foetum mortuum expellere affirmant. An *Bexucus Pervanus* purgans *Godofredi le Brun*? quem *C. Clusus* *Atragenæ Theophrasti* sarmenta esse suspicatur.

96. *Bulacan foliorum viridum*, ob vehementiam quâ operatur in usum non venit; hujus ni fallor erunt effectus, foetum pellere, & alia, quæ supra.

97. *Vitis* LUZON. sylv. 3. *Ottoniensis*, Spontanea est Fig. & *Corinthiæ* æmula. *Pampini* vix palmares, trilobati, *flosculi*.

flosculi herbacæ, pentapetali, *Uvæ* ut *Corinthiacæ*, in parvis racemis quasi in umbellâ.

Fig.

98. *Alanguilang scandens*, seu *Hinlalagac*. *Volubulus* est *fructus* *Rosei*, acido-dulcis, tantillum pilosi, racemo appensi. *Mariquina* exit.

Fig.

99. *Vitis Ulceraria*, *Alexandri*. *Planta* est scandens: *Folia* hederacea, trinervia, crenata, splendidantia, sequi-palmaria, quæ degustata quidam acidit sapient, mox fauces morficando vehementer exasperant. *Flores* parvi, albi, tetrapetali. *Baccæ* Magnitudinis *Piperis* & majores, in acumen abientes, ex adverso foliorum racematim propendent. Magni æstimant hanc plantam *Indi*, qui foliis contusis emplastri modo in Ulceribus putridis, antiquis, manantibus, sordidis, schirrhosis, callosis, fistulosis & cancræsis utuntur, præcipuè verò in Ulceribus faucium in collutione. Abscessus præterea, & Apostemata emollit, & rumpit, ut *Alypiong*.

Fig.

100. *Viticella*, *Balagundugut Indorum*. Perpusillus, elegans, & gratiosissimus est *Volubulus*; folia incana, quinque-nervia, alterna, corda effingentia; *Flosculi* minimi, albidii, muscosi, quasi in corymbum coeunt; *Baccæ* lætè rubentes, qualia *Sardois* hærent *Corallia* saxi, piso minores, foliorum congeriei imbricatim immixtæ, pulchellos concinnant racemulos.

Fig.

101. *Malabanag*. *Scandens* est *Planta*, habens folia, 5 nervia, alterna, similia *Banag*, i. e. *Pseudochinæ*, ex adverso foliorum umbellæ *Florum*, inodorum, ex viridi flavescens, hexaphyllorum, quibus *Baccæ* rubræ, parvæ, insipidæ, lento glutine turgidæ, *Piperi* pares succedunt. Semen parvum est *Phaseolus*.

Fig.

102. *Coccus volubilis*, *Indis* Lobato, Libato, & Bredotali: *Hortensis* & duplex montanus, *Naicensis* & *Maisilanus*. *Hortensis* *Planta* est scandens, succosa, vesca, tenera, amans umbrosa & uda. *Viticuli* crassii, teretes. *Folia* carnosa, ampla, fere sphærica, in mucronem vergentia, flavescens, terfa, & nervis expertia, alternè appensa. In summitatibus ramusculorum e regione foliorum unciales, aut sesquiunciales

giales racemuli, sessilibus, coccineis, piso paribus, succoque chermesino exuberantibus *baccis* onusti, saporis nullius manifesti. *Semen* orbiculare Coriandro minus. *Flosculi* calyculati, erubescences. *Radix* coloris nativi, succosa, nodosa, verrucosa, & *scrophularia* modo multifariè inæqualis, & divaricata. Succum *Indi* ad caloris æstum in Febribus attemperandum propinant. Vescuntur folijs decoctis, & in acetarijs crudis. Ex *Baccis* syrupum paravi coloris coccinei, ad Julepos Febricitantium pulchro imbuendos colore perutilem.

103. *Coccus volubilis sylvestris*. Pariter edulis est; *Folia* tenera, succulenta ut *Portulacæ*, teresa, priori majora, ex atro virentia. *Folia* suppurationem adjuvant adimposita; Decoctum alvum emollet.

104. *Cubebæ Officinarum*. Plantam *Indi* Naple, Dalihupa & Buyonibun, i. e. *Betele-Corvinum*, vocant. Hæc non ut *Betele* seu *Itmo*, *Mala-Itmo*, *Littit* ac *Sabia* alijs inhærendo scandit, sed vicinis sese acclinando, ac superinternendo luxuriat, estque Planta amans umbrosa, crebrè ramosa, ramis solidiusculis, geniculatis nec vietis, ut reliquæ *Piperis* species, folijs obscurè virentibus, parvis communiter, sessiquincialibus, quinis fulcitis nervis, aromaticis. *Fructus* qui racematim propendet, maturus coloris est incarnati, *Semen* habens album, orbiculare, acriuscule, aromaticum. Hæ *Baccæ* cum *Clusij* descriptione collatæ, legitime sunt *Cubebæ Officinarum*. Racemuli sunt sesquipalmes.

105. *Piper nigrum*. *Hederæ* modo arboribus irrependo, & geniculis Sarmentorum (quæ brachio crassiora) radículas emittendo, & specialiter Arbori *Dapdas* (ob molliusculum & succosum corticem) innasei gaudet & vitiosè luxuriat. Crescit in *Leyte*, *Otton*, *Panay* & *Mindanao*. *Fructus* in racemis, acini maturi rubent. *Piper nigrum* sunt acini virides collecti: *Album* sunt acini maturi collecti, sed unius plantæ fructus.